






**XUNTA
DE GALICIA**


Convenio de colaboración entre a Consellería de Educación e Ordenación Universitaria, a Universidade de Santiago de Compostela, a Universidade da Coruña e a Universidade de Vigo para o recoñecemento da correspondencia entre ciclos formativos de grao superior da formación profesional inicial e materias de estudos universitarios


 Santiago de Compostela, vinte de setembro de dous mil once

REUNIDOS

 Dunha parte, don Jesús Vázquez Abad, Conselleiro de Educación e Ordenación Universitaria da Xunta de Galicia, en representación da mesma, e de conformidade coas atribucións conferidas no artigo 34.1 da Lei 1/1983, do 22 de febreiro, reguladora da Xunta de Galicia e do seu Presidente.

 Doutra, don Juan J. Casares Long, Reitor Magnífico da Universidade de Santiago de Compostela, segundo o nomeamento efectuado polo Decreto 99/2010 de 17 de xuño actuando en virtude das facultades que lle confire o artigo 20 da Lei orgánica 6/2001, de Universidades, do 21 de decembro, e o artigo 87 do Decreto 28/2004 do 22 de xaneiro, polo que se aproban os Estatutos da USC.


 Don José María Barja Pérez, Reitor Magnífico da Universidade da Coruña, en uso das facultades que lle confire o art. 36.1.f dos estatutos desta Universidade, aprobados polo Decreto 101/2004, de 13 de maio, publicados no D.O.G. do 26 de maio.

 E don Salustiano Mato de la Iglesia, Reitor Magnífico da Universidade de Vigo, nomeado segundo o Decreto da Comunidade Autónoma de Galicia 96/2006, do 8 de xuño, publicado no Diario Oficial de Galicia do 16 de xuño, de acordo coas competencias que lle outorga o artigo 20 da Lei Orgánica de Universidades 6/2001, do 21 de decembro e o artigo 59 dos Estatutos da Universidade de Vigo, aprobados polo Decreto 421/2003, do 13 de novembro e publicados do D.O.G. núm. 237, do 5 de decembro.




Interveñen en función dos seus respectivos cargos e en exercicio das facultades que para convir, en nome das entidades que representan, teñen conferidas, e,


EXPOÑEN




1. Que a Lei Orgánica 2/2006, de 3 de maio, de Educación, no seu artigo 44 establece que os alumnos que superen as ensinanzas de formación profesional de grao superior recibirán o título de técnico superior o que lles permitirá o acceso aos estudos universitarios de grao que determine o goberno, previa consulta ás Comunidade Autónomas, e informe do Consello de Coordinación Universitaria.



2. Que a Lei Orgánica 6/2001, de 21 de decembro, de Universidades, no seu artigo 2º reconece a autonomía universitaria e no punto 2 apartado f) do mesmo artigo establece que dita autonomía comprende entre outros extremos, a verificación dos coñecementos dos estudantes e no apartado d) atribúe ás universidades a competencia para a elaboración e aprobación dos seus plans de estudos.



3. Que a Consellería de Educación e Ordenación Universitaria da Xunta de Galicia e as tres Universidades galegas no ámbito das súas respectivas competencias educativas, teñen a vontade de promover a continuación de estudos universitarios aos titulados técnicos superiores da formación profesional inicial e recoñecerlles a formación adquirida no ciclo formativo superior que teñan cursado.




4. Que a Consellería de Educación e Ordenación Universitaria da Xunta de Galicia, a quen lle corresponde a planificación, ordenación, dirección e execución das competencias atribuídas á Comunidade Autónoma en materia de universidades, de acordo coas anteriores manifestacións, ten a vontade de abrir esta experiencia, iniciada no curso escolar 2004-2005, a novas titulacións universitarias de grao, que serán obxecto de recoñecemento de créditos e materias para o curso académico 2011-2012.




**XUNTA
DE GALICIA**

Por todo o anteriormente exposto e co fin de regular esta experiencia, as partes formalizan o presente Convenio conforme ás seguintes

CLÁUSULAS




Primeira. O obxecto deste convenio é continuar co recoñecemento, da correspondencia entre ciclos formativos de grao superior da formación profesional inicial e materias de estudos universitarios que se imparten na Universidade de Santiago de Compostela, na Universidade da Coruña e na Universidade de Vigo.




Segunda. Os estudos implicados nesta experiencia de recoñecemento de correspondencias serán os indicados no Anexo.

Terceira. A experiencia será de aplicación aos titulados técnicos superiores dos ciclos formativos, procedentes de calquera centro de ensinanza de Galicia ou de outra Comunidade Autónoma sempre que o currículo sexa coincidente, que accedan ou estean cursando os estudos universitarios, aos que se fai referencia na cláusula anterior, nos centros docentes da Universidade de Santiago de Compostela, nos da Universidade da Coruña e nos da Universidade de Vigo. Todo isto respectando o proceso xeral de preinscrición universitaria e unha vez que acadaran o acceso á universidade.



Cuarta. As tres universidades galegas recoñecerán créditos dos estudos universitarios, en virtude do currículo de cada ciclo formativo, aos titulados nos ciclos formativos de grao superior que se correspondan, segundo o establecido no Anexo.




Quinta. Na aplicación deste recoñecemento haberá que ter en conta que:

- a) O alumnado devengará as taxas correspondentes como materias validadas.
- b) A cualificación das materias obxecto de recoñecemento será a nota media obtida polo alumno no ciclo formativo, agás as de libre configuración nas que a cualificación será a de apto.




Sexta. Coa finalidade de afondar nos mecanismos de cooperación que reforcen esta experiencia, a Consellería de Educación e Ordenación Universitaria e as tres universidades galegas establecerán liñas de actuación que faciliten o intercambio de recursos formativos e metodolóxicos e o acceso aos fondos bibliográficos e de información técnica.


Sétima. As partes comprométense a difundir esta experiencia, de recoñecemento das correspondencias entre ciclos formativos de grao superior e materias dos estudos universitarios, tanto a nivel institucional como nos centros educativos, informando aos xoves que posúan os requisitos para acceder a estes itinerarios formativos.



Oitava. Os recoñecementos de créditos e materias aos que se refire o presente convenio implementaranse no curso académico 2011-2012. O seu contido poderá aplicarse aos estudantes matriculados nos graos en cursos anteriores ao 2011/12, de ser o caso.




Novena. Crearase unha comisión mixta, formada por dous representantes por cada unha das partes, que velará polo correcto desenvolvemento do presente convenio, e informará periodicamente ás partes do desenvolvemento e da evolución desta experiencia. Os membros desta comisión mixta serán nomeados, respectivamente, polas partes asinantes deste convenio.



Décima. As partes comprométense a avanzar na análise e na aplicación do recoñecemento de correspondencias entre outros ciclos formativos de grao superior de formación profesional inicial e outros estudos universitarios de grao que se impartan nas tres universidades galegas.

Os acordos que se deriven deste compromiso implicarán a sinatura dun novo convenio.



Décimo primeira. O convenio entrará en vigor no momento da súa firma e estará vixente en tanto non se modifique o seu anexo, catálogo de créditos e materias recoñecidas nos estudos universitarios oficiais de grao 2011-2012. No caso de modificación, esixirase a formalización do novo catálogo mediante a sinatura dun novo convenio.



Non obstante, o convenio poderá extinguirse por acordo das partes ou por denuncia de calquera delas; a denuncia deberá realizarse por escrito e con dous meses de antelación á data na que vaia ter efecto.

Décimo segunda. O presente convenio de colaboración posúe carácter administrativo por razón do contido e materias sobre as que o mesmo versa, as cales ao abeiro do disposto no artigo 4.1.c) e 2, da Lei 30/2007, do 30 de outubro, de contratos do sector público, o exclúe do seu ámbito de aplicación, sen prexuízo da aplicación dos principios desta para resolver as lagoas ou dúbidas que a súa aplicación suscite.


Dada a natureza administrativa deste instrumento xurídico, as controversias ou cuestións litixiosas que puideran xurdir na súa aplicación e non puidesen ser solucionadas no seo da comisión de seguimento, serán resoltas pola xurisdición contencioso-administrativa.

E para que así conste, asínase este convenio no lugar e data indicados.

O Conselleiro de Educación e Ordenación

Universitaria

 Jesús Vázquez Abad
 O Reitor da Universidade de A Coruña

 José María Barja Pérez

O Reitor da Universidade de Santiago de

Compostela

 Casares Long

O Reitor da Universidade de Vigo


 Salustiano Mato de la Iglesia